

Pre sega fala Ti liepa koj si zel ovu knjižicu v ruke!

Zvonko Kudelić Žuna  
Društinje, kupinje i grmužinje

Izdavač  
Partenon d.o.o.

Za izdavača  
Luka Posarić

Lektor  
Stjepan Škof

Crteži  
Dan i Jana Kudelić

Tehnička obrada  
Partenon d.o.o.

CIP zapis dostupan u računalnom katalogu Nacionalne i  
sveučilišne knjižnice u Zagrebu pod brojem .

ISBN 978-953-6840-22-9

ZVONKO KUD*E*C*I* ŽUNA

DĐRĐUPTINJE,  
KUPINJE  
I  
GđRđMUŽINJE

## *DRUPTINJE*

Zlataru

Jane

...

Kustura

Hajka

Mouke

RR

Gnoj

Vrbanec

Migracije

Kompić

## *KUPINJE*

Pseudo-bogu

Trajna

Sesvete

Špigelj

Druge stanje

Obećanje – ludumu radovanje

Snobi

Neotesanci

Ho,ho,ho

Tišina

Dve strani

Implantan

Dionice

## **SADRŽAJ:**

## *GRMUŽINJE*

Po mere

Dežđ

Lepša nek roža

Hiti rožu Đek

Hopši male

Marš na njivu

Achtung – diftung

Pomalu, pomalu

Ove je moja druga zb(i)rka pjesmi na kojkavskumu (zlatarska verzija kajkavskuga). V knjižice su tri poglavlja: *Druptinje* (kratke pjesme – dropte), *Kupinje* (pjesme tere, aka na svoj način, drapljeju po duše) i *Grmužinje* (nit su kratke a nit ne drapljeju preveč).

Štel bi se zafaliti sem teri su pomogli da *Druptinje*, *kupinje* i *grmužinje* dojde na svet, a osobite:

- prof. Stjepanu Škofu koj si je dal truda pri lekture
- Luke Posariću – izdavač
- Danu i Jane Kudelić – crtači
- familije-navijači
- Gradu Zlataru i Krapinsko-zagorske županije  
– finansijski pomagači
- dragim prijateljima – čitači
- semu koj me natiravale da se primem olovke i papera i da neke zide
- dragem sponzorem – pri promocije pomagači
- sem čitateljicam i čitateljem prve zbirke – na srcu milem pohvala
- zagorskim umjetnikima z teri sam neke delal, ili tek bum
- medijem i ljudem ud medijuv teri su popratili  
*Dvurišće...*



DREUPTINE



## *ZLATARU*

ej si igda pusluhnul Zlatarščicu i Reku  
kak z svoji tiela šum šumiju,  
al ne nosiju z sobu v daljinu podmuklu tišinu  
nek same liepe rieči o svojumu Zlataru

o Zlataru nunanumu med dva brega  
(do god da ih je delal –liepe ih je napravil)  
o ljudi teri zemlju namačeju znojem  
i o kaju teruga imaju najrejše ud sega

*JANE*

ja stvarne neznam kak zgledi  
anđel kad zaspi  
jer ga videl nigdar niesam  
al da ga ve idem risat  
zgledal bi kak ti  
jer anđela drugoga ni

al čem oči otpreš  
se se zmeni  
vragek mali  
ž njih skoči

....

kak da mi Te sam Bog poslal z neba  
il nektera druga sila rekla sila rekla mi: "Na!"  
sev vesel stisnul sam se Te k sebe  
i rekel : "O najljepše Vam fala!"

## *KUSTURA*

lepe je videti nasmejane ljude  
(al v zadnje vrieme se ih je menje)  
same gledim glave houde  
terem na zube ideju penje

se več kustur pu svetu hodi  
na druge režiju i houde glediju  
se tuo pumalu k vragu vodi  
sviet je punorel - dobre stari veliju

## *HAJKA*

kad prejde sa šoping hajka  
i one koj nemaš putrušiš  
tjeden dan se zgledi kak bajka  
a pokle kak si bedast se čudiš

## *MOUKE*

se je kak treba i pred se prazni paper si del  
i olovku našljenu priel v rouke  
za stol z kavu si sel  
i unda su počele mouke

belina papera se beliša postaje  
olovka nič pametnuga pisati neče  
ona misel z glave se gubi,nestaje  
“Ma – nek! i zutra je dan – mrti več bu sreče!”

*RR*

kesne pu noći  
mrti bolj reči – pred jutre  
škripa cipeluv  
remeti tišinu  
žar cigaretlina  
draži sniežnu belinu,  
smeh i falš popevku  
putiče mlade vine  
il reliquiae reliquiarum starine

a zutra bu pak se pu starem  
osim glave – vekše za dva broja  
ni to smešne – bila je takva i tvoja

## *GNOJ*

plave nebe  
ptičov poj  
si još spiju  
al ne i gnoj

on ud jutra dela na njive  
zemlju napaja da kuruza raste žive

a zak nej smrdel?  
zate je tu!  
a zemlja je ionak – furt prehlajena

## *VRBANEĆ*

svinje su si nekak legle  
diči se niesu mogle  
mrti niesu ni štele  
a mrti su dobile vrbanec

## *MIGRACIJE*

se več se ljudi seli  
nema preveč fraj mesta  
sake lete se več lampušuv treba  
al ta migracija nikak ne vredi

## *KOMPIĆ*

ne tak davne ni bile tulike drača kre cesta  
je-kad ni več kumuv teri paseju krave  
a ni nit krav  
ni več borbe za saki meter grabe  
več ni treba z cestarem si biti kompič.

ve z kompiči dojiju krave,  
al ne v hrđave žuhtarke  
z terih je mlieke bile fine,a borme i pune žezeza



KUPINJE



*PSEUDO – BOGU*

ti gore teri jesi  
i zamišljaš da si na nebesi – a NIESI!  
komanduješ ljudem teri su ti menje vredni  
nek tvoji z paperi pesi

zmisli se otkud si došel i koj si bil  
jer lahke se čovek popiči i opane  
cesta je duga,  
a borme i fejst skliska

## *TRAJNA*

ve kad se trajna nema za koj držati  
i kad je koža prevelika za lice  
    nej si nič preveč lagati  
bila si svetle v tulike kmice

ferung ni ve ni na mestu  
a prešle je več tulike liet  
pogled još furt bejži na cestu  
ni ga ud nikud - se stranjski sviet

za njegvu žmehku narav si znaju  
i da je ud nje same rouka žmekša  
bil je med norejši v cielumu kraju  
    ej to ljubav ud sega vekša

kulike pout sme ti rekli  
a koj te tuo za njega drži  
kak ne razmeš - dej se hmekni  
ima boljih – nisu takvi si

za njegvu žmehku narav si znaju  
i da je ud nje same rouka žmekša  
bil je med norejši v cielumu kraju  
    ej to ljubav ud sega vekša

## *SESVETE*

da se same jemput na lete  
zmisliš onih  
koji su mislili na te saki dan  
no – unda si i ti guste mislil na nje  
osobite kad je bile na vrtu i v klieti  
il još bolje na najža – za zeti

ve ud velikuga posla i strašnuga ritma života  
ne stigneš ni sveču vužgati  
normalne, dalke je i pout te košta,  
a na selu je i blate a i nekak kak da smrdi

a kak da je lahke bile matere i ocu  
za sineka v gradu  
gujceke hraniti – saki dan v pusranumu kocu

## *ŠPIGELJ*

ni teške na drugumu najti grešku  
tak sitnu teru ni CSI ne skuži  
ni provaliti o drugumu priču tešku  
a ni pobediti na izboru za jezik najdukši

al problem more nastati  
kad treba pred špigelj stati  
i vu njega se pogledati  
i reči:po čem sam ja bolši?

a flekov imaš po cielumu tielu  
kaj se nakupljaju sa ta lieta  
nemreš zprati rubaču bielu  
a bil si tak čisti – prava šteta

## *DRUGE STANJE*

ni fora to koj si nora  
nek koj noreju si kre tebe  
znam da se neke v životu mora  
al moreš bar nedga reči :Ma do ga ...!

kak da ni dosta napaduv ud sikud  
kak da v životu ni dosta sranja  
tak neš došla baš nikud  
a sem je dosta toga druguga stanja

## *OBEĆANJE – LUDUMU RADOVANJE*

se su ti obečali  
a niš ti nisu dali

nemrem razmeti – kak takev naivac moreš biti

meste da pud stare dane  
živiš kak čoveku priliči  
ti žoute poskrivečki zbrajaš – ej moreš vnuku sladoled kupiti

al ni to ni najgorše...

...pak ti buju obečali  
i pak ti nič neju dali  
a ti buš i dalje mučal i život takev proklinjal

## *SNOBI*

ja ne čakam subotu  
da zljuftam frišku rubaču  
ne trebam ni diske klub  
čist dobre mi je v podrumu  
ne vozim pilu nek peglicu  
v koje nemrem najti prvu  
pijem vodu il zidarsku  
niš me ne vleče prema koktelu  
ne kurim se na densere  
poslušam DZB i Stonese  
biljar zaigram same z gušta  
ne radi mode i Toma Cruisea

bolje grob neg snob

## *NEOTESANCI*

nič ni smetale tičem da pupevaju  
nit niemi ljudi  
nit jednoličen glas  
niti mužika falš  
niti tihi plač  
a kamoli znatiželjne babe koj gaziju drač

jedine, mrti  
zvuk ilovače pu hrastuvumu puklopcu  
kak da ih je na tren zmotal i zaustavil njihuve veselje  
kak da su čuli  
“Moučite neotesanci,to i vas čaka!”

## *HO, HO, HO*

sneg se još ne kaže na nebu  
petardaši slaviju svoj pir  
virusi se v tišine rajtaju po webu  
na želucu tira friški čir

v dučani se kupuje kak nore  
poludela je nacija ciela  
do bu na skijanje- do bu na more  
same su deca tomu vesela

a baš me briga,ne zanimaju me filmi takvi  
nit hoču gledeti nit biti statista  
stal v redi nem,nema šanse,ma kakvi  
briga me kak zgleda darof top-lista

pustite me na miru-bar do kraja leta  
nije duge – same teri tjeden  
oslobodite me reklami i političkih panfleta  
ni život toga vrieden

neču ni čujti za belobraduga črljenokapca  
komeden je ko račun ud komunalca  
nit za dedu mraza,božičnjaka ili beloga žapca  
nek se kloniju mene- antihohohopolaintelektualca

## *TIŠINA*

treba zobrači na teru stran  
koj više v životu ti znači  
briga me ej bum zobran  
se nekak betežne zrači

duge čakana tišina, preglasna bu pustala  
na prazni zidi ni paučina ne ostala  
z štekera ne ružil ni radijo ni teve  
mrti bu tek unda neke zasvetlile v glave

a pitanje bu došle pre il pokle:  
kak to da tišina tak glasna more biti?

## *DVE STRANI*

kaj buš zutra kad se zbudiš  
kad pred špigelj oči dovlečeš  
drugač zgledaš – mam se kuži  
neke ne velja – po glave ruži

v denešnjem šopingu svetu  
baš se se prodati more  
al čuvaj obraz kak svoju sienu  
jer same čisti nema cienu

kad se jemput ti naguziš  
i zadnje svoje na tace ponudiš  
kak prestrašeni pes po podu zapuziš  
za druge ni nisi – kaj se čudiš

nema lice zabavljati 2 strani  
al nijena se ne prodaje  
sam odluči – do ti brani  
golub v ruke il na grane purani

## *IMPLANTANT*

škola ti ionak nigdar nije išla  
al si pred špigljem mogla duge stati  
i pre nek se ščerašnja frizura zišla  
na lasi su išli friški tafti

sake jutre se z špatlinem hmivaš  
z frišku žbuku greške prirode skrivaš  
još da za zmisliju takev silikon  
da te ne odaje z glave šuplji zvon

ve te neki deda vojzi v nove mečke  
i pogled hiče na bedru ti otkritu  
smeješ se kak pokle dobitne srečke  
dok lasi paftaju v skupem koritu

## *DIONICE*

nisi znal kam se upuštaš  
velika dobit zela ti pamet  
v kmice sobe na cifra se guštaš  
a neznaš kuliki te čeka namet

prek noći velika i ziher lova  
tira,vleče – ta vražja sila  
puni računi – lova do krova  
da ti ne razum spila

dow jones,bull i bear  
govoriju jene – a život je druge  
od brige zbijia friški čir  
da se neš i ti napušil te pljuge

ne veliju zabadav stari  
da nije za guske sene  
male nas za to mari  
čim se velike perje spomene

Tokyo,London,New York  
jen,dolar,funta  
zbral si zgleda wrong work  
mogel bi ostati bez kinte kunta

Lojz bad choise!

GRIMMUSZINJE



## *GRMUŽINJE PO MERE*

dok ti žena trifrtaljke z ormara vadi  
i kaže kožne sandale nove  
se ti se pomalu več gadi

a zake si se ženil radi love?  
lasi moraju biti na meru  
furt friške obrite lice  
moral si prejti na njejnu veru  
se po volje tvoje ljepotice

moraš hoditi na dosadna mesta  
z njejnjem društvem biti kak treba  
rubača z potpisem – kak i vesta  
a nos dignut prek du neba

najrejše bi poslal k vragu,pedikere,dizajnere i frizere  
i rekel več jemput – život takev mi ni po mere

a jemput na lete ideš dime  
v svoje sele de poznaš se  
unda za te nema zime  
jer sele ni dost hoh tvoje ljepotice

unda stare hlače oblečeš  
v birtije si sedneš z dečki  
zidarsku vu se z veseljem povlečeš  
i počneš guvuriti onak žmirečki

do fučka pedikere,dizajnere i frizere  
ni mi te život po mere

## *DEŽĐ*

je zleval kak nori  
imbrelu nisam imel  
otkud ta snaga?  
do bu platil vodu?

nisam več znal  
ej bi mokel do tvoje hiže  
il bi pud tuđi krof zašel?

## *LEPŠA NEK ROŽA*

za me je bila lepša nek roža  
a si su rekli da lepši je osjak  
na moje reči : Joj kak mehka ti je koža!  
Jezuš Kristuš – kakev bedak!  
i da me ona ne šljivi ni pol posto  
tu i tam mrti koji promil  
ja sam bil tak liepuga reda  
radi nje najrejše bi se hbil

Pepa,Štefa – saka ud njih zna svoj posel  
Pepa,Štefa – saka ud njih zna koj treba  
Pepa,Štefa – saka ud njih zna svoj posel  
al nijena nije- al ni nigdar nebu – nebu kak Bara

## **HITIROŽUĐEK**

celi život senjaš kak si blizu,kak ju imaš  
ali meste da koračiš – ti furt same z glavu klimaš  
i dok na dežđu čakaš njezin znak  
ljudi govoriju :Viš pak on bedak!

hiti rožu Đek,dej si od nje mira  
viš da je k nje prešel pek  
hiti rožu Đek – budi čovek,a ne flek

preveč k srcu prijemlješ saki njezin mig  
dok na pleći se pribira se više brig  
i dok kak muha bez glave hodiš pu ceste  
se študeraš kak si pri nje napraviti meste  
i dok na dežđu čakaš njezin znak  
ljudi govoriju :Viš pak on bedak!

hiti rožu Đek,dej si od nje mira.....

## *HOPŠI MALE*

čelaveješ se pumalu  
trbuh napre tira  
htapljaš se v salu  
al vrag ti neda mira

tera te bu štela  
prijela te za glavu  
na pluča si ju dela  
ej buš našel pravu

zate hopši male  
da ti kosti ne puje sale

## *MARŠ NA NJIVU*

vuletje je došle – ki bi vrag doma bil  
odi neke delat – nebūš v hiže gnjil  
štihajuču nasadi,gnjoj si odpeljaj  
i znaj da buš ti imel koristi od jeseni

marš na njivu...

saki na njive neke dela si  
a ja mrcina jena tak mi se liepe spi  
i baš me briga koj buju mi rekli  
jer ja bum kak i si imel koristi ud jeseni

marš na njivu

## *ACHTUNG-DIFTUNG*

zasnažil si štalu još te prati duha  
zmazan si ko svinjče od vuha do vuha  
svinje si nahranil i zaprl živinu  
morti je vreme da zmeniš sredinu

veli mati :Prejdi v bertiju med ljude!  
stari si dečke – morti denes koj bude  
na ti penez morti si najdeš kakvu babu  
bolj da delaš vnuke nek da opadaš v grabu!

achtung – diftung do si ti  
dej si male mira gemišt si spi!

večer je prešla – pak nisi niš zbavil  
al si se z dečki kre šanka zabavil  
morti buš zutra koj bolje sreće  
niesi ti kriv koj život te neče

achtung – diftung do si ti  
dej si male mira gemišt si spi!

niesi ti kriv koj život te neče  
morti bu zutra male več sreće  
jer kre prijateljuf takvi ni ti dost ni banka  
z traktorem te treba vlieći od šanka

achtung – diftung do si ti  
dej si male mira gemišt si spi!

## *MALU, POMALU*

bil sam pu sikud i videl sam se  
al nič ni tak liepe kak moje Zagorje  
sa nafaljena mesta,vile nakindjane  
nisu do kolena trnacu i drvene hižice

pomalu,pomalu sam išel nazaj  
još jemput da vidim svoj predragi kraj  
da stanem se z dragi i poznati ljudmi  
i čujem svoj kaj za terem v srcu guri

stal sam se v životu z kojkakvi ljudmi  
al tak otprtu dušu našel sam ni  
jer si penezi sveta i zlatni kotač  
vrediju menje nek zlievka i kuruzni kolač


pomalu,pomalu sam došel nazaj  
da od svojih ljudi čujem predragi kaj  
kad se lampe sveta ne svetiju tak  
kak lampuš pri klieti koju tak imam rad

lieta su prešla – več vremena ni  
kaj sam ja napravil – nej punuviti ti  
ne veliju zabadav da liepe je sikud  
al liepe kak doma nemre biti nikud

# GRAD ZLATAR

[www.zlatar.hr](http://www.zlatar.hr)

**DARUJTE  
KRV**



GRADSKO DRUŠTVO  
CRVENOG KRIŽA  
**ZLATAR**

**“GRAFOTISAK”**

TISKARA  
I PAPIRNA KONFEKCIJA

*vl. DAMIR BABIĆ*

49 250 ZLATAR  
S.S. KRANJČEVIĆA 2  
TEL./FAX: 049/466-866  
Mob: 098/566-630

NOĆNI BAR I  
PIZZERIA ROXY  
ZAGREBAČKA 10,  
49 250 ZLATAR  
[WWW.ROXY.HR](http://WWW.ROXY.HR)



**S** SREBAČIĆ -  
**AUTO**

ZLATAR, Ulica braće Radić 7A  
tel: 049/466-351

**AUTO SERVIS**  
**AUTO DIJELOVI**  
**TUNING OPREMA**

**ANTOMA** d.o.o. ZLATAR, Trg slobode 1  
**ART TURIZAM** TURISTIČKA AGENCIJA

- prodaja turističkih aranžmana
- organizacija i realizacija tuzemnih  
i inozemnih putovanja

Tel/fax: 049/466-995

[www.antoma.hr](http://www.antoma.hr)

E-mail: [dubravka.sala@antoma.hr](mailto:dubravka.sala@antoma.hr)

Agencija Vašega povjerenja.

**CAFFE BAR**

**ZLATHARIA**

**GAJEVA 1**

**49 250 ZLATAR**

**049 467 531**

**LIMAR**

ŠČAPEC JOSIP  
DELKOVEC 18/1  
49 251 MAČE  
098 721 122  
091 439 6001  
049 439 601

**CAFE-BAR**

*Stara Pošta*

ZAGREBAČKA 11

49 250 ZLATAR

049 467 501



**CAFFE BAR**

*„Kralj”*

**KRALJ D.O.O.**

**SAJMIŠNA 26**

**49 250 ZLATAR**

CAFFE BAR  
“OLIVER”

GAJEVA 10  
ZLATAR

ZLATARNICA  
*pakšec*

ZLATAR, ZAGREBAČKA 10  
049/466 667  
IVANEC, MIRKA MALEZA 18

- PRODAJA ZLATNOG I SREBRNOG NAKITA
- IZRADA NAKITA PO NARUDŽBI
- GRAVIRANJE
- BUŠENJE UŠIJU
- OTKUP LOM ZLATA

RASADNIČARSTVO I VINOGRADARSTVO

---

**CVETKO**

---

**ZLATAR, RIJEČKA 4**  
**049 466 052**  
**098 754 186**

**Prodaja i servis računala**

**Multimedia**

**Web design**

**Internet caffe**

**Edukacija**

# Nomino

[www.nomino.hr](http://www.nomino.hr)



Zlatar Trg slobode 17 Tel: 049/467-707 E-mail: nomino@nomino.hr

PVC STOLARIJA

# ŠAKA

Kaštelska 2  
49 250 Zlatar  
098 250 975

[darko.saka@kr.t-com.hr](mailto:darko.saka@kr.t-com.hr)

# Franja kava



## *SVJEDOČANSTVA*

Dobil sam več nek par pismi ud ljudi koj su pročitali Dvurišće,strnišće i goluvrataste pišće (u dalnjumu tekstu DSGP) pak sam par zobrađ!

Ž.A. širša okolica Zlatara (♂):“... Kaj da velim? Imel sem problem veliki i žena me skore ostavila,znate... bil sem nemočen... al unda se moj život hmenil v ljuftu. Došla mi je v ruke knjižica DSGP i več pokle par minut neke se počele zbivati, ve je žena vesela,a ja sem pak nemočen jer sem premočen pak ... ak me razmete... ”

Z.B. širša okolica Krapine (♀):“...si veliju da sem zgodna,al pokle poroda petoga deteta,počel mi se nabirati celulit preveč... bila sam sa van sebe...hodila sam po kojekakvi tretmani i nič...i unda sam pri susede vidla knjižicu DSGP i bezveze sam ju prijela v ruke... pokle par minut čitanja osjetila sam čudnu toplinu koja se miešala z hladnoču. Oh da ,pa moj se celulit počet topiti,nestajati – kakva sreča.Ve par let pokle moj život ima smisla – muž me nagovara na šeste... ”

V.C. širša okolica Zaboka(♂):“...no da preveč neduljim, s dvajst let je počele pomalu – da bi z trideset bil skore skroz čelav i unda sam v knjižnice slučajne videl DSGP,neznam ni den denes zak sam priel tu knjižicu v rouke... par minut pokle osetil sem kak me neke piče pu glave.Prestrašil sem se – kaj bum lagal! Jedva nekak sam digel rouku i pugladil se pu glave – skore sem opal na rit – drapale me po dlanu – kak šmirgljin paper. Pak lasi mi pak tiraju – čude!i zate fala liepa.... ”